

صاحب امتیازی :
شهیندزاده قلبهلی
اصمیر صامی

اداره و تحریر محلی
جفال اوغلی جاده سنده دائره مخصوصه در .
مخابرات صاحب امتیاز ایله جریان اتمهلی در .
نشری تاریخندن اون کون یکمیش نسخه لر
ایکی غروشد



شرائط اشتراك :

برسته لکی ۹۵ آلتی آیلانی ۵۴ پوسته اتحادینه
داخل ممالك اجنبیه ایچون قرق
فراقدر

اداره مدیری قلبهلی
محمدذهنی

اعلان ایچون اداره مدیری
محمدذهنی بکه مراجعت ایدیلیر .

۵ — ذی القعدة سنه ۱۳۳۰

چهارشنبه

۳ تشرین اول سنه ۱۳۲۸

ای غیره راه ! تجائی قهر کلمه و بفقاری و غریبان و مسیری و فقر و اید

انظار ملت

یوری ای قارداش

حقه نصرت !

بنم اینیمی ایشیده جگنی بیلدیکم ایچون ، بوینی
بوکه رک صوریوردم :

« یارب ! حادثات کائنات ، هریده حاضر اولان
نظرندن قاجاز . الهی ! نظر عدلک ، معصوملری
پارچه لهین ، قادینلری دیمه لهین ، پیرلری ییچاقلایان
ایچاقلری کورمیورمی ؟

یارب ! سمع مروتک ، ییچاقلرله دوغرانان یاو-
ریچقلرک معصوم جیعلیقلرینی دویمیورمی ؟
الهی ! ظلم و وحشته لغت اوقویان ، حقیلیره
امداد و نصرت وعد ایدن سن دگلی سک ؟
یارب ! بو عوالمک خالق ، رازقی ، مدیری ، مدیر
ذی قدرتی سن دگلی سک ؟ »

استغفار ایتدم . . . پشیمان اولدم . یینه بوینی
بوکدم . . . عرش وجدانم کله برندا بکا دیدی :
« بوکارکاه رزم و وعا ، حقک تقدیری ، قوللرک
تدبیری ایله کالای افعال طوقور . برانسان که ، حقک
قدرتی بیلیر ، بو قدرتن کندنده دخی بر حصة تجلی
بولوندیغنی کوریر . ای صاحب اعتراض و دعوی !
لیس للانسان لاماسی !

ای مسلمان !

جناب اقدس نیک ، تاریخچه حیاتی برکه
اذطانه دوشون و کوزدن کچیر ! عجب ابر دقیقه عجز و رخاوت
کوریرمی سک ؟ ای مسلمان ! چالیش ، اوغراش فدائی
اول . حق ، ظلمک دشمنی در . سن ده ظلمک دشمنی
اول .

ای مسلمان !

معصوملری دوغرایان وحشیلری ، سنان قهرکله
دوغراده حقک دست تقمت و معدلتی اول . یتیش
مظلوملرک امداینه . قورتار قارداشلریکی ، قورتار
مقدورلری .

ای مسلمانان !

حقوقک نامقدس ، قوللرک مجیز ، قلبک منور ،
صدرک ملهم درر . یوری ! بو یولک منتهایی ، یاشانی
مظفریت و یاشمرافت شهادتدر . یوری ! نه دوریورسک !
یوری ! قوللرک کده حق ساری ، قلبکده حق متجلی در .
یوری ! دائما ایایلری باقی . ایلرینی یاجنت و یاشهادتدر .
یوری ! کری با باقه . باقه که کری باقارلرک نصیبی ذلتدر .

ای مسلمانان !

حیاتیکی ححق یولنه ویر ، حق سکا بدل اولارک
حیات جاویدان ویریر . بیلیمزیمی سک که شهیدک بدلی
حقدر ! یوری ! وطنکی مقهور ، ملتکی ذلیل کورمکدن
ایسه ، کوزلرک کده کی صوک برتوی ، مشاهدۀ حقه وقف
ایده رک قایا ، شهید اولده ملاه علیاده رفیق اعلائی
کور .

ای مسلمانان !

حق وعدندنه کرچک در . لکن سن ده وظیفه کی
یاب . بیلیمزیمی سک « حقه نصرت ایدنه حق نصرت
ایدر » هایدی آرسلان قارداشم ، حمزه بی ، جعفری ،
حیدری ، حسینی دوشون . . . نور احمدی رفیقک !
ارواح مقدسات دلیک ، رب عظیم الشان ظهیرک اولسون . .
یوری . . . »

محمد زعفرانی

محاربه

احوال عمومی

بوصباحدن بری وضعیت

بولغار حکومتنک صوفیه مصلحتکذار مزه ویردیکی
ادب و عقل - خارچنده کی اولتیا نوم ، بالطبع جوابشز
قالدیغندن ، بو یولک اعلان حرب یرینی طوناجنی عمومیتله
ظن اولونمش ایدی .

لکن هر نه دنسه بو حقی ظن بوشه چیقدی .
بولغارستان صصرب و یونان حکومتلرینه ده وکالت ایتدیکی
نوطه سنده بییلدیرمش ایکن یونانستانکده اوشکلده بر

نوطه بی برکون سوکرا اتنه سفیرمن مختار بکه ویرمک
ایسته دیکی کوریلدی . بوحرکتلرده هنوز آ کلاشیلا-
مایان غریبتلر وار . صربستان حدودنده محاربه
باشلامش ایسه ده صربستان رسماً اعلان حرب ایتمه مشدر .

زمره مطهر

الله اکبر الله اکبر
برالده قرآن ، برالده خنجر

الله اکبر الله اکبر
ملت مبشر ، ملت مظفر

الله اکبر الله اکبر
الله بزمه ، بزمه پیامبر

ای قوم بی نیک ، ای قوم بی سر
مغلوبسکنز سز ، مغلوب محقر

بولغار یونان صرب ، ای یخبرلر
سز لر اولورمی تورکارله همسر

تورکار بهادر ، تورکار برار
سز لر بزر هیچ ، تورکار غضنفر

آمالکز بوش ، افعال ایسه شر
وجدان قارارمش ، ناموس مکدر

حقسزسکنز سز حقسز سراسر
حقسزله اولمز الله برابر

عثمانی اولدی ایشته سفربر
محو اولما کزدر امر مقرر

قهر اولما کزدر البت مقدر
ای قوم بی نیک ، ای قوم بی سر

الله اکبر الله اکبر
الله بزمه ، بزمه پیامبر

الله اکبر الله اکبر
ملت مبشر ، ملت مظفر